

節馬場殿南北立供奉所司幄也當日早旦吉時天皇出御南殿左右大將并親王公卿列立如常左右近衛陣列中少將著缺披袍弓箭等五位著後鞘少納言鈴奏如常御輿入自日華門供之近仗警蹕乘輿出

御中務丞內舍人帶弓箭扈從也又陣衛并供奉所司行列如常乘輿出自吉方宮門入於永寧坊御馬

場殿無鈴奏但大刀契至南階親王公卿列立庭中北面宸儀御殿御輿退出王卿退著幄座侍從以下

經左仗南頭引退左右近仗東列立胡床下左右近衛閉埒門訖著御倚子次內侍臨檻喚人次上卿參

上次王卿上殿采女供御膳侍從大夫給王卿饌此間左右大將獻御馬奏次御馬北上訖仰大臣可遣

勅使又仰大臣改御馬番三大夫進殿東南砌下大臣座簀子東南角仰之大夫等稱唯各罷當所即以

番文給馬出勅使次移東廂大床子王卿移就簀子數仰召大臣令近侍御厨子供膳或此間仰左衛門

所備供御膳給侍臣御馬競馳之間仰大臣令參議王卿走馬番又賭以密瓜御馬馳了勝方奏樂次方人拜舞復

座次暨入內更御衣更出御此間左右近衛及帶刀騎射王卿走馬北度以次射五寸的終頭大臣近衛

次將令打大夫馬鼓即以手番文給次將召將監遣標所延喜八年召前勅使令打鼓同十三年召左右

公卿馬馳了近衛府奏東遊事訖乘輿還宮到宮門神祇官奉御麻如常少納言奏進鈴初日收之次王

卿撤籍退出

〔西宮記臨時〕神泉朱雀院行幸日事

若可馳御馬者至其期有勅上卿召陪陣少將一人稱唯進立階下上卿宣云御馬令馳與少將一人稱

唯退還仗下左右少將各率官人以下之騎人起至馬駐右近者輕馳道少將以下騎馬上了一夕馳了

不堪騎馬少將者可申障由歟

〔西宮記臨時〕神泉并朱雀院行幸少將騎馬北上事

行幸日至其程有式上卿奉勅召陪陣左右將稱唯進立階下上卿云御馬令馳與將稱唯還本陣大將進

奏率將監以下雁列走至馬駐左近衛府直渡馳道了少將以下騎御馬北上不脫即左御馬馳次右御

馬自餘可隨所之便宜歟